

PRAVILNIK za izbor sportiste godine

Član 1.

Ovim pravilnikom određuju se uslovi i način izbora sportiste godine, ocjenjivanje i druga pitanja koja su od značaja za izbor.

Član 2.

Izbor sportiste godine je javan i vrši se na osnovu prijedloga organizacija, klubova i udruženja iz oblasti sporta, a koji egzistiraju na području općine Ilijaš. Prijedlozi se dostavljaju po Javnom pozivu koji objavljuje nadležna Služba za društvene djelatnosti općine Ilijaš, do 30. januara svake godine putem lokalnog Radija, oglasne ploče, web stranice ili poziva za dostavljanje prijedloga. Javni poziv ostaje otvoren 15 dana od dana objavljivanja.

Član 3.

Za izbor sportiste godine općine Ilijaš (u daljem tekstu sportista godine) može se kandidovati sportista koji je učestvovao na takmičenjima koja su organizovana u okviru općinskog takmičenja, kantonalnog prvenstva, državnog prvenstva ili državnog kupa, evropskim ili svjetskim takmičenjima, te olimpijskim igrama čiji je rezultat vrednovan:

1. osvojenim plasmanom
2. postavljenim nacionalnim, evropskim ili svjetskim rekordom
3. plasmanom u završna takmičenja evropskog ili svjetskog nivoa
4. drugim ostvarenjem za razvoj, popularnost i unapređenje sporta

Za izbor sportiste mogu se kandidovati i sportisti koji nisu osvojili visoki plasman ili lični rezultat ali su svojim doprinosom u takmičenju omogućili učešće ekipa za koju nastupaju ili državne selekcije na evropskim ili svjetskim takmičenjima, odnosno koji su u sportskim takmičenjima dostojno predstavljali matični klub ili državnu selekciju ili učinili djelo kojim se podiže i učvršćuje međunarodni ugled države, općine, kantona i sporta.

Mogu konkurisati sportisti koji su rođeni na teritoriji općine Ilijaš ili imaju mjesto stalnog boravka na teritoriji općine Ilijaš, a igraju u klubovima na teritoriji Federacije BiH ili u inostranstvu.

Član 4.

Za sportistu godine ne može se kandidovati sportista koji nastupa u profesionalnim federacijama (boks, NHL , NBA i dr.).

PRAVILNIK
za izbor sportiste općine Ilijaš

Član 5.

Priznanja sportiste godine dodjeljuju se u sljedećim kategorijama:

- sportaš općine Ilijaš,
- sportašica općine Ilijaš,
- najperspektivniji sportaš općine Ilijaš,
- najperspektivnija sportašica općine Ilijaš,
- sportaš- invalid općine Ilijaš,
- sportski kolektiv općine Ilijaš,
- sportski radnik općine Ilijaš
- sportski trener i
- specijalna priznanja pojedincima i kolektivima koji su pomogli razvoju sporta na području općine Ilijaš

Član 6.

Za ocjenu plasmana u izbor sportiste godine primjenjuju se sljedeći kriteriji:

1. olimpijske igre,
2. svjetsko prvenstvo
3. svjetski kup
4. evropsko prvenstvo
5. evropski kup šampiona
6. mediteranske igre , univerzijada
7. balkanijada
8. međunarodna takmičenja(minimalno učešće 10 država)
9. prvenstvo BiH i FBiH, pojedinačno ili ekipno
10. kup takmičenja BiH i FBiH
11. međukantonalna prvenstva
12. kantonalna prvenstva
13. općinska takmičenja

Član 7.

Za ocjenu plasmana u izboru sportiste godine, primjenjuje se sljedeća bodovna tabela, a na osnovu kriterija iz prethodnog člana.

plasman	1	2	3	4	5	6	7	8	9	10	11	12	13
I mjest.	600	550	500	450	450	400	375	350	275	250	200	150	100
II	575	525	480	430	410	375	350	325	250	225	175	140	80
III	550	500	450	400	380	350	325	300	225	200	150	100	50
IV	525	480	430	375	350	330	305	275					
V	500	460	410	350	330	310	290						
VI	480	440	390	330	310	290							
VII	460	420	370	310	290								
VIII	440	400	350	290									
IX	420	380	330										
X	400	360	310										
XI	380	340	290										
XII	360	320	270										
XIII	340	300											

PRAVILNIK
za izbor sportiste općine Ilijaš

XIV	320	280											
XV	300	260											
XVI	280												

Član 8.

Na osnovu kriterija iz člana 6 i 7 ovog Pravilnika, kandidate za dodjelu priznanja iz člana 5 ovog Pravilnika, predlažu sportske organizacije, udruženja, klubovi i dr.. Sportske organizacije, udruženja, klubovi i dr. mogu predložiti više kandidata po svim kategorijama.

U prijedlogu za kandidate, predlagači obrazlažu prijedlog sa svim rezultatima koje je sportista ili ekipa postigla u protekloj godini.

Član 9.

Juniorski rezultati ostvareni u konkurenciji iz ovih kriterija, vrednuju se na isti način, kao i seniorski rezultati.

Član 10.

Ocjenjivački žiri vrednuje rezultate, vodeći računa o broju nastupa, masovnost i kontinuitetu rezultata u godini izbora.

Član 11.

Tehničku obradu podataka i proglašenje sportiste godine, vrši ocjenjivački žiri koji se imenuje od predstavnika nadležne službe, sportista, sportskih radnika, trenera, novinara i dr. Po pravilu ocjenjivački žiri čine: predsjednik, zamjenik predsjednika, sekretar i četiri člana žirija. Rad članova ocjenjivačkog žirija je javan. U najuži izbor ulaze po 3 kandidata u svim kategorijama za koje se daje priznanje.

Član 12.

Ovaj Pravilnik stupa na snagu danom donošenja i dostavit će se svim članovima žirija.

Broj: 07-40-91/09
Ilijaš, 23.01.2009. godine



OPĆINSKI NAČELNIK
Nusret Masić, dipl.ecc